

# INUIT ATAQATIGIIT INATSISARTUNI



UKA2022/Imm. 73

Eqaluk Høegh

Oktobarip 25-at 2022

## **Uunga siunnersuut:**

**Nakorsat kigutillu nakorsai kalaaliusut sooq ilinniagartik arlalitsigut nunatsinni atornagu nunattali avataani atortarneraat kvalitativiusumik misissorneqarnissaanik Naalakkersuisut peqquneqassasut Inatsisartut aalajangiiffigisassaattut **siunnersuut** (Inatsisartunut Ilaasortaq Anna Wangenheim, Demokraatit)**

## **Oqaaseqaat:**

Ilinniarsimasunik inuttaqarniarneq nunatsinni ajornartorsiutaavoq annertoog – aamma peqqinnissaqarfiup iluani takussaasoq.

Siunnersuuteqartup ajornartorsiut matumani pisarput pillugu iliuuseqarusulluni paasissutissanik tigussaanagerusunik misissuititserusunera Inuit Ataqatigiinniit paasilluarsinnaavarput.

Ajornartorsiut pillugu qanorpiaq inissisimasoqarnersoq, inuit pineqartut sunik peqquteqaqqissaarlutik nunatsinnut uteqqittannginnerat – kiisalu paasisat aallaavigalugit qanoq iliuuseqartoqarnikkut nunarput uterfigissallugu sullisissallugulu orniginarnerulersinneqarsinnaanersog – inuit pineqartut qanimut oqaloqatiginerisigut apeqqutit taama ittut akissutisineqarnissaat siunertaralugu kvalitativiusumik misissuititsisoqarnissaa namminermit soqutiginarpuusog Inuit Ataqatigiinniit isumaqarpugut.

# INUIT ATAQATIGIIT INATSISARTUNI



Akerlianik Naalakkersuisut kaammattuutaat aamma Inuit Ataqatigiinniit isumatusarnertut isigaarput. Peqqinnissaqarfitta iluani atugassarititaasut pitsanngorsaavigiumallugit Peqqinnissaq pillugu ataatsimiitsitaliarsuaq pilersinneqarnikuuvoq. Ataatsimiitsitaliarsuup peqqissutsimut tunngasutigut nunatsinni ilinniarsimasunik amigaateqarnerup ajornartorsiutaanera pillugu aamma sammisaqarlutik suliaqarput. Ajornartorsiut iliuuseqarfigiumallugu tigussaasunik siunnersuuteqarnikkut inassuteqaatinik ataatsimiitsitaliarsuup inaarutaasumik isumaliutissiissutaa ilanngullugu aamma imaqarumaarpoq.

Isumaliutissiissut upernaakkut ataatsimeeqqinnissatsinnut naammassereersimanissaa naatsorsuutigineqarmat – suliap annertuup naammassineqarnissaa – qanorlu innersuussutit imaqarnissaat takoqqaarusullutigit Inuit Ataqatigiinniit aalajangerpugut.